

Banjalučki Boni i Klajd zajedno iza rešetaka

05/06/2010 19:15 by Administrator

Dejana Mitraćinović (24), osim pomaganja bjeguncu, učestvovala u krađi automobila koji je korišten prilikom pljačke UniCredit banke. Okružno tužilaštvo u Banjoj Luci odredilo je jučer pritvor Dejani Mitraćinović (24) iz Banje Luke, zbog sumnje da je direktno pomagala u bijegu svom mladiću Slavici Ćulumu (26), za kojim je policija tragala od 23. aprila kada je u oružanom obračunu dvije suprotstavljene kriminalne grupe ubijen njegov mlađi brat Nedeljko.

U kući policajca

Nakon Ćulumovog hapšenja u ponedjeljak, Dejanu je saslušala policija, ali je puštena na slobodu zbog nedostatka dokaza.

Istražitelji su u međuvremenu utvrdili da je ona učesnik u krađi automobila "audi 80" u Laktašima, koje je korišteno za pljačku ProCredit banke 21. maja u Banjoj Luci. Također, utvrđeno je da je ona vozila automobil i Ćekala Ćulumu, Nemanju Drljaću, Bojana Ćikmana (23) i Bojana Pužića (22) dok su pljačkali banku.

Ona se sumnja i da je direktno učestvovala u pronalasku skloništa za svog momka. Prema našim izvorima, osumnjičena je putem oglasa pronašla stan Ćulumu na adresi na kojoj je kasnije i uhapšen u Trnu.

Policija je naknadno otkrila i da je riječ o kući u vlasništvu Miće Bošković, banjalučkog policajca, a dio kuće Ćulumovoj djevojci izdala je njegova žena.

Odbačena veza

Naš sagovornik odbacuje svaku mogućnost povezanosti navedenog policajca sa Ćulumom, čak iako se čini nemogućim da nije primijetio da kod njega nekoliko dana stanuje osoba zbog koje se policija digla na noge.

Akcija "Kasper" jučer je intenzivirana, a istražitelji su uvjereni da su sve bliže Sinići i Ćakiću Kinezu i Aleksandru Babiću, za kojima traga.

Sukob između Ćulumu i Kineza tragičan epilog imao je 23. aprila, kada je u međusobnom oružanom sukobu između Ćulumu, Dejana Ćejića, Aleksandra Kostića i Jovana Jošila ubijen Ćulumov 19-godišnji brat Nedeljko.

Izvor vijesti: Dnevni Avaz